

同州府志

第三函
函六冊

同州府志卷二十三

陵墓志

風埏陽虛神靈昭著編諸古蹟別於陵墓高辛伊尹
此地無干舊志附會茲皆從刪棄僞存真不參疑似
流俗所傳何足求是維此佳城採樵誰禁望古遙集
墓大夫是問述陵墓志第十一

上古

女媧氏風陵 在潼關城北黃河中見古蹟

史皇氏倉頡墓 在白水縣東北七十里見古蹟

子夏陵 在郃陽縣東二十里大原頭水經注徐水出梁山東南流逕漢武帝登仙宮東絕疆梁石又東南逕子夏陵北東入河按山西通志河津縣志河津縣五里曰辛興村相傳有子夏墓兗州府志曹州西三十里亦有子夏墓論者謂子夏設教西河以老當以河津爲是然晉省志又未如水經之古也

公孫杵臼墓程嬰墓 在韓城縣西南保安村賈志韓城西南保安村麓有巨冢三相傳爲公孫杵臼程嬰趙氏墓邑志載之何景明著雍大記止稱杵臼墓在韓城縣西南

嬰墓在縣西南保安村獨不及趙武墓夫文子國君鼻祖
必不從嬰杵而窆雍大記不載趙武者不爲俗惑也

鄭桓公墓 在華州西關路南關中勝蹟圖志世本桓公
居棧林皇覽桓公葬鄭縣番按番卽蕃字水經注蕃邑殷
契之故居世本曰契居蕃關駟曰在鄭縣之西

賈大夫冢 在蒲城縣西南十八里賈曲鄉宋敏求長安
志左氏傳賈大夫惡娶妻而美三年不言不笑御以如皐
射雉獲之其妻始笑而言杜預注曰今縣有賈城卽古之
賈國

秦獻公墓

史記載獻公始葬衙出子亦葬衙今失其處

秦

司馬斬墓

在韓城縣西南華池秦主鏃官司馬昌墓漢

市長司馬無澤漢五大司馬喜墓俱在高門史記太史

公自序與武安君阬趙長平軍還而與之俱賜死杜郵葬

於華池斬孫昌昌爲秦主鏃官昌生無澤無澤爲漢市長

無澤生喜喜爲五大夫卒皆葬高門水經注高門華池在

夏陽西北漢陽太守殷濟精舍四里所今高門東去華

池三里高門巍秀詩引高門在邑西南三十里按太史

公自序司馬氏自晉入少梁錯以下至喜卒皆葬高門華池喜生談談有子曰遷遷生龍門龍門指少梁也高門司馬冢纍纍而遷墓亦在高門東芝水之陰其爲龍門少梁非龍門河津無疑矣

漢

司農丞景和墓 在朝邑縣東南寺後社按和成帝時人墓久湮

孔僖墓 在朝邑縣故城南隅後漢書本傳僖章帝時臨晉令在縣三年卒官遺令卽葬二子長彥季彥並十餘歲

蒲坂令許君然勸令返魯對曰今載柩而歸則違父令舍墓而去心有所不忍遂留華陰

項宅墓 在邵陽縣東北三十里項村無考姑存之舊志按史記項伯名纏封射陽侯又有平臯侯名宅碭郡長則此項宅或卽平臯侯也

任季兒墓 在邵陽縣東南四十里華里村縣志季兒任延壽妻事見列女傳

太史公司馬遷墓 在韓城縣南二十里水經注司馬子長墓墓前有廟廟前有碑永嘉四年漢陽太守殷濟瞻仰

遺文大其功德遂建石室立碑樹柏太史公自敘曰遷生
龍門是其墳墟所在矣雍勝略太史公墓漢司馬遷墓也
在韓城縣南芝川鎮墓前有坡因號司馬坡而建祠焉縣
志漢太史令司馬遷墓在芝川南嶺上西枕梁山東臨大
河氣勢雄濶古栢數十百皆蒼老如鐵懸於兩崖作蛟龍
狀子長一豕歸然其巔祠壁石墨林立代有名作家以石
砌二柏出其上盤峒尤奇北望少梁曉烟殘照如圖畫然
李太史子德句云尙餘古栢風霜苦空對長河日夜深其
大概也邑令翟世祺築高臺砌以甃石層級而上勢入雲

表題曰河山之陽更爲大觀冢漸圯縣令康行儻重修之
手勒小碣以記其事守墓給田自邵陽丞葉司空夢熊始
附褚遂良隨清娛墓志永徽二年九月余判同州夜靜坐

於西廳若有若無猶夢猶醒見一女子高髻盛妝泣謂余
曰妾漢太史司馬遷之侍妾趙之平原人姓隨名清娛瘞
於長樂亭之西不揣人神之隔乞一言銘墓以垂不朽余
感寤銘之左懋第書太史墓垣碑記後按稗史隨清娛者
司馬子長侍妾唐褚公遂良刺同州清娛感夢於遂良具
言始卒且云圖籍未載世人莫有知者以公爲文人求志

其墓光揚幽懿遂良爲之志同誌無之或爲修志家所刪
漢蘇典屬國武墓 韓城志蘇武墓在蘇山有柏三百餘
株枝皆南向墓前有石碣題爲漢蘇子卿墓按蘇子卿武
功人今京兆有墓而此地傳有墓立祠今山下諸村多蘇
姓豈其裔耶古人遠觀葬無定所往往有然左懋第新蘇
子卿墓垣記在韓城西北五里姚莊村梁山之麓邑有常
祀墓稍南面東有祠惟垣頽欲新之丁丑春垣成余往落
其八十老人爲余言曰童時記古墓在今墓下烈風雨墓
開日出此地常有雲氣土人異之就視有碣爲漢蘇子卿

之墓遷之上輒封立祠焉祠顏戴令新之碣封墓中

徐溫墓 在華州西十五里

楊碩墓 在華陰東十五里

定遠侯班超墓 在華陰縣西二十里縣志在縣班莊村

官道旁

楊太尉震墓 在縣東三十里楊氏漢多聞人邱墓不能

悉考白孔六帖後漢楊震改葬華陰潼亭先葬十日有大

鳥丈餘集震墓前俯仰悲鳴淚下沾地葬畢飛去時人立

鳥象於墓前名臣奏議唐太宗貞觀十一年行幸過漢太

尉楊震墓傷其以忠非命親爲文以祭之僕射房元齡進
曰楊震雖當天枉數百年後方遇聖君停輿駐蹕親降神
作可謂雖死猶生沒而不朽雍勝畧關西夫子墓漢楊震
墓也在華陰縣東公莊村官道北潼關衛志震墓在潼關
衛城西七里漢書改葬潼亭卽此賈志縣東弔橋鋪北城
內左右共七冢明萬厯初兵使蔡可教建亭堂拓地三十
四畝堂圯

國朝順治丙申副使湯文正公重建華州志縣西五方村
北雙乳堂有楊氏先塋墓存者蜿蜒十有八

杜康墓 在白水縣西十五里縣志言康能造酒墓側遺槽尚存豈康沒卽葬於造酒之地耶今墓前並無遺槽亦無前人所豎碑碣乾隆十九年知縣梁善長表曰漢杜康墓

雷公祥墓 在白水縣東十五里雷祥村元鄉進士潘懇修雷公廟記祥能醫善陶所造磁器精工絕人世所謂雷公器是祥生而正直沒而爲神縣東雷祥村卽神家廟地昔人嘗見曳杖於阡陌間鬚眉如霜素冠蒼衣今廟所塑蓋宛肖云

魏

荀丞相墳 在朝邑小荀里或云魏文侯庶子繁

晉

王猛墓 馮志在華陰縣西三里

隋

觀德王雄墓 在潼關城西十里雄隋宗室有唐中書侍

郎岑文本碑今碎朝野僉載舒綽善相冢吏部侍郎楊恭

仁欲改葬觀王綽定一土堪葬曰此所擬處深五尺之外

有五穀若得一穀卽是福地公侯世世不絕恭仁卽將綽

向處令人掘深七尺得一穴如五石甕大有粟七八斗

唐

祁國公王仁皎墓

在大荔縣西二十里羌白鎮西唐書

本傳仁皎下邳人元宗后父邽祁國公卒年六十九贈太尉益州大都督謚昭宣官爲治葬柩行帝御望春亭過喪詔張說文其碑帝爲題石其子駙馬都尉守一請用竇誼例築墳高五丈一尺宋璟蘇頌以爲准令一品墳高一丈九尺其陪陵高出三丈上從之同州志仁皎墓御書神道碑尙存字剝落

馮翊將軍墓 在大荔縣北二十五里有碑不載其名氏

禮部侍郎嚴譔墓 在朝邑西北一里馬志在長春故城

西南隅有祠唐書本傳善思名譔以字行同州朝邑人開

元十六年卒

白馬將軍扈鐸墓 在朝邑西北二十里白冢鎮朝邑後

志世次無考

李確墓 在郃陽縣東三十里官城里確唐宗室也

余朱達墓 在郃陽縣西北二十五里朱家河縣志朱家

河有余朱達廟碑李穆撰達字正道爲唐銀青光祿大夫

檢校太子賓客兼監察御史柱國其先沔南郡人遠居馮
翊年二十九新志達之後爲朱氏其子孫爲朱家河人
戶部侍郎雷德驤墓 在邵陽縣北三十里其子秘書有
隣太保有終耐

魏氏墓 在澄城縣北大賢村相傳魏徵墓俗名海子陵
按徵陪葬昭陵此不應復有墓必徵之子孫也縣志墳中
螭首碑數通豪家利其地盡沒之嘉靖初訟官有司莫能
究也 按徵有賜莊於澄子孫世居焉此墓爲徵子孫之
藏無疑